



Áhersluverkefni
Sóknaráætlunar Vestfjarða
2024

Efnisyfirlit

.....	3
Ímynd, uppbygging og fjárfestingar á Vestfjörðum	4
Markaðssetning ferðaþjónustu.....	4
Ungmennalýðræði á Vestfjörðum	5
Svæðisskipulag Vestfjarða	5
Púkinn Barnamenningarhátíð.....	6
Blámi	7
Kolefnishlutlausir Vestfirðir – Vegvísir	7

Áhersluverkefni 2024

Áhersluverkefni eru þróunarverkefni, sem unnin eru af starfsmönnum Vestfjarðastofu eða öðrum einstaklingum eða stofnunum á svæðinu sem hafa gert samning við Vestfjarðastofu um verkefni. Verkefni eru fjármögnuð sem hluti af Sóknaráætlun Vestfjarða 2020-2024 og skulu áhersluverkefni taka tillit til áherslna og markmiða hennar.

Tafla 4: Áhersluverkefni 2024

Heiti verkefnis	Framlag (þ.kr.)			Framkvæmdaraðili	Markmið	Tímabil
	Sóknaráætlun	Móttframlag	Samtals			
Ímynd, uppbygging og fjárfestingar á Vestfjörðum	10,000,000	30,000,000	40,000,000	Vestfjarðastofa	*Að kynna fjárfestingarmöguleika á Vestfjörðum ásamt því að laða að nýja fjárfesta. *Að tengja kynningar við aðgerðir tengdar ímynd samfélags og atvinnulífs á Vestfjörðum í samstarfi við svættarfélag og fyrirtæki. *Yta undir aukna uppbyggingu íbúðarhúsnæðis, gæstistaða og afþreyingar í ferðabjónustu.	mars 2023- desember 2024
Markaðssetning ferðabjónustu	10,000,000	10,000,000	20,000,000	Vestfjarðastofa	*Lenging ferðamannatímabilsins á Vestfjörðum *Þróun ferðaleiðar – Vestfjarðaleiðin *Auknar fjárfestingar í ferðabjónustu á Vestfjörðum	2023 og 2024
Ungmennalýðræði á Vestfjörðum	2,000,000		2,000,000	Vestfjarðastofa	Að skapa vettvang til að stuðla að aukinni lýðræðisþátttöku og -þekkingu ungmenna á Vestfjörðum. Í því felst að styðja við ungmennaráð svættarfélaganna, stuðla að auknu samstarfi ungmenna innan fjórðungsins og að stofnað verði ungmennaráð Vestfjarða sem haldi árlega ungmennabing Vestfjarða.	2023 og 2024
Svæðisskipulag Vestfjarða	10,400,000	27,860,703	38,260,703	Fjórðungssamband Vestfirðinga fyrir hönd Svæðisskipulagsnefndar Vestfjarða	Helja vinnu við gerð Svæðisskipulags Vestfjarða en miða við verkiok í apríl 2026. Áfangar á árinu 2024, vinna hófst í febrúar 2024 í kjölfar útboðs, lýsing svæðisskipulags kynnt mál og frumdrög svæðisskipulags í desember 2024. https://www.vestfirdir.is/ls/verkefni/hv/svæðisskipulag	2023-2025
Þúklinn - barnamenningarhátíð	2,236,266	6,763,734	9,000,000	Vestfjarðastofa	Að halda verði barnamenningarhátíð á Vestfjörðum vorid 2024.	2024
Blámi	7,500,000	60,500,000	68,000,000	Blámi	Að styðja við og efla nýsköpun og þróun orkuskiptaverkefna með því að auka hlut vistvæns eldsneytis, veðnis og rafeldsneytis í samgöngum og iðnaði.	2021-2024
	42,136,266		177,260,703			

Ímynd, uppbygging og fjárfestingar á Vestfjörðum

Settur var upp og opnaður nýr vefhluti InWest á vef Vestfjarðastofu þar sem áhersla er lögð á tækifæri til fjárfestinga á Vestfjörðum. Ítarefni er unnið til að fylgja eftir verkefnum. Farið var með Íslandsstofu og öðrum landshlutasamtökum til Cannes á stóra fjárfestakynningu. Markvisst var unnið að því að auka vitund fjárfesta um möguleika á Vestfjörðum og unnið með Íslandsstofu að því að kynna tækifæri á Vestfjörðum fyrir erlendum fjárfestum í samstarfi við Bláma. Unnið var með sóknarhóp Vestfjarðastofu að ýmsum verkefnum tengdum ímynd Vestfjarða sem svæðis til fjárfestinga og atvinnustarfsemi. Verkefnið er til tveggja ára og þetta var seinna ár verkefnisins.

Markaðssetning ferðapjónustu

Samfélagsmiðlum Visit Westfjords & Vestfjarðaleiðar er viðhaldið og þeim sinnt

Samfélagsmiðlum Visit Westfjords og Vestfjarðaleiðarinnar var viðhaldið og fylgst með umferð og farið í auglýsingaherferðir til að ýta undir markmið um heilsársferðapjónustu á Vestfjörðum og til að kynna sérstaklega Vestfjarðaleiðina innanlands. Unnið var að uppfærsluefnis, bætt blogg, myndum bætt við myndasafn, undirsíður, Travel Trade, gönguleiðir

Tekið á móti 4-6 blaðamönnum / áhrifavöldum og ferðir þeirra skipulagðar

Tekið var á móti nokkrum hópum af blaðamönnum og einstökum blaðamönnum og áhrifavöldum. Áhersla er lögð á að velja slíka fulltrúa vel í samstarfi við Íslandsstofu til að umfjöllun sé í samræmi við markaðsáherslur.

Farið með hóp ferðapjóna á Vestnorden, Mannamót og MidAtlantik ferðasýningar árlega og þátttaka í ferðasýningum undirbúin og skipulögð.

Allar ferðasýningar á kaupstefnur tókust vel þetta árið og í öllum tilfellum var ágæt þátttaka ferðapjóna frá svæðinu.

Haldinn verður árlegur ferðapjónustudagur fyrir ferðapjóna á Vestfjörðum

Boðað var til ferðapjónustudags og hann endaði með því að vera á netinu og fremur illa sóttur þrátt fyrir kynningu og ágæta dagskrá. Þarf að endurskoða í samstarfi við ferðapjóna.

3-4 vinnustofur ferðapjóna á Vestfjörðum árlega

Súpufundir voru haldnir á öllum svæðum og vinnustofur voru haldnar fyrir þátttakendur í Vestfjarðaleiðinni og haldin vinnustofa um vetrarferðapjónustu vorið 2024.

Skipulagning faghópa ferðapjóna á Vestfjörðum

Fagráð ferðapjónustu er starfandi í tengslum við Sónarhóp Vestfjarðastofu.

Ungmennalýðræði á Vestfjörðum

Ungmennapíng var haldið vorið 2024 en þingið er vettvangur þar sem ungt fólk kemur saman og ræðir málefni sem brenna á þeim. Mikilvægt er að ungt fólk fái vettvang til að koma skoðunum sínum á framfæri um þau mál sem á þeim brenna enda hefur sýnt sig að það að fá að taka þátt í lýðræðislegum ferlum er besta leiðin til að auka þátttöku ungmenna. Ungmennaráð Vestfjarða er kosið á ungmennapíngi og er vettvangur þar sem fulltrúar frá öllum svæðum Vestfjarða koma saman og fylgja eftir málum sem ungmennapíng ákveður. Jafnframt er ráðið vettvangur til að leita eftir sjónarmiðum ungmenna á svæðinu við hina ýmsu stefnumótun og ákvarðanatöku á vettvangi sveitarfélaga og Vestfjarðastofu. Ungmennaráðið fundar 4 sinnum á ári meðal annars með stjórn Fjórðungssambandsins og sér um undirbúning ungmennapíngs.

Verkefnið var til tveggja ára.

Svæðisskipulag Vestfjarða

Gerð svæðisskipulags fyrir Vestfirði, byggir á ályktun 67. Fjórðungspíng Vestfirðinga að hausti, í september 2022, en þar er beint tilmælum til stjórnar Fjórðungssambands Vestfirðinga að láta hefja vinnu við gerð svæðisskipulags fyrir Vestfirði hið fyrsta.

Verkefnið er unnið samkvæmt ramma Skipulagslaga 123/2010 og Skipulagsreglugerðar 90/2013. Það hófst 2023 með skipan svæðisskipulagsnefndar sveitarfélaga sem standa skipulagsgerðinni (Svæðisskipulagsnefnd Vestfjarða) og útboði á vinnu skipulagsráðgjafa.

Með ráðningu skipulagsráðgjafa í byrjun árs 2024 hófst vinna með gerð lýsingusvæðisskipulags í samstarfi við sveitarstjórnir og samtali við fókushópa og hagaðila.

Tillaga að lýsingu var samþykkt í sveitarstjórnunum í maí og var síðan sett til umræðu með opnum fundum á Vestfjörðum og leitað umsagnar lögbundinna aðila. Á sömu fundum var einnig unnið með stefnmörkun fyrir Sóknaráætlun 2025-2029. Í október voru lagðar fram tillögur um val á framtíðarmynd svæðisskipulagsins og kosið um þær á 69. Fjórðungspingi Vestfirðingaog kynnt sem frumdrög svæðisskipulags.

Hafin var vinna á grundvelli frumdraga að gerð vinnslutillögu svæðisskipulagsins sem stefnt er á að verði birt um mitt ár 2025. Vinnslutillagan er undanfari auglýsingartillögu sem stefnt er að komi út haustið 2025 og er ætlað að verði afgreidd í apríl 2026, með staðfestingu Skipulagsstofnunar. Fjórðungssamband Vestfirðinga verkefnisstjóri og leggur til starfsmann svæðisskipulagsnefndar samkvæmt samningi við Vestfjarðastofu.

Verkefnið er til ársins 2026

Púkinn Barnamenningarhátíð

Barnamenningarhátíðin Púkinn var haldin í annað sinn dagana 15.-26. apríl 2024. Við endurmat hátíðarinnar haustið 2023 kom fram að betur færi á að halda hana að vori og því var tekin ákvörðun um að halda lítinn Púka 2024 þó hann félli í raun innan sama skólaárs og fyrsta hátíðin, því annars hefði of langur tími liðið á milli hátíða. Vestfirsk ungmenni völdu Af hverju búum við hér? sem þema Púkans 2024.

Úthlutað var 800.000 krónum úr verkefnasjóði Púkans til einstaklinga og stofnana á Vestfjörðum til verkefna á hátíðinni. Einnig var tekið þátt í stóru samstarfsverkefni við Hrafnseyri sem var Heill heimur af börnum – börn setja mark sitt á Íslandskortið og Menningarmót í Grunnskólanum á Ísafirði.

Barnamenningarhátíðin Púkinn nær yfir alla Vestfirði og er ætluð börnum á grunnskólaaldri. Á hátíðinni er unnið að með menningu með börnum, menningu fyrir börn og menningu sem börn skapa sjálf. Á hátíðinni 2024 var höfuðáhersla lögð á síðastnefnda liðinn og unnið að listsköpun barnanna með ráðum og dáð.

Vestfjarðastofa leiðir vinnuna við Púkann.

Blámi

Um er að ræða samstarfsverkefni Landsvirkjunar, Vestfjarðastofu, Fjórðungssambands Vestfirðinga og Orkubús Vestfjarða. Afurð er stofnun félagsins Bláma en skrifað var undir samstarfssamning þann 15. desember 2020.

Áframhald var á verkefnum Bláma og gott samstarf um ýmis orku- og fjárfestingaverkefni.

Meðal samstarfsverkefna á árinu 2024 voru úttektir á fjárfestingakostum vegna mögulegs jarðhita á Gálmaströnd og á Reykhólum. Undirritaður var samningur milli aðila um þriggja ára framhald á Bláma á árinu 2024.

Kolefnishlutlausir Vestfirðir – Vegvísir

Umhverfisráðuneytið veitti á árinu 2024 sérstakt framlag vegna verkefna á sviði umhverfismála og var þeim fjármunum varið til verkefna sem styðja eiga við markmið um kolefnishlutlausa Vestfirði. Unnið var að þessum verkefnum á árinu og gefin út skýrsla um kolefnisjöfnun á Vestfjörðum og bæklingur þar sem meginniðurstöður voru dregnar saman. Jafnframt var gefinn út bæklingur um þjóðgarða á Vestfjörðum sem verkfæri í byggðapróun. Auk þessara verkefna sinnti verkefnisstjóri gerð loftslags- og orkuskiptaáætlana sveitarfélaga á Vestfjörðum.